

文水縣志目錄

卷首

序文

原序

銜名

目錄

卷一

凡例

圖考

天文志

分野

占驗

祥異

卷二

地利志

建置沿革

疆域

山川

津梁

渠堰

渠案附

古蹟

勝景

廟宇

邱墓

義墳附

物產

卷三

民俗志

戶口

民居

城內街巷

坊都

風俗

節序

市集

廟會

方言

卷四

分建志

城池

官署

學宮

書籍附

書院

義學附

城守

舊公署

官制

生儒吏役附

卷五

財賦志

地丁

起運

留支

屯田

課程

生息

米豆

倉儲

貢篚

學田

書院地
畝附

郵政

車馬

卷六

典禮志

公式

秩祀

賓興

鄉儀

坊表

卷七

武備志

教場 堡寨 墩墩 器械 鋪舍

卷八

選舉志

科名

制科貢
監附

職官

武弁

誥勅

補遺

武弁

卷九

人物志

孝友

忠烈

義行

仕績

文學

隱逸

寓賢

方外

卷十

列女志

后妃

賢媛

烈女

節婦

孝婦

卷十一

官政志

歷宦

宦蹟

卷十二

藝文志

卷末

志餘

文水縣志卷十二下

藝文志

賦

明

熊耳山牡丹賦

王在臺

北山之刹有牡丹焉產於石穴未溯其所始焚之者元也
鑿而取之者今晉藩也皆弗克入夢於僧旋毀旋生異矣
哉余以詢土人或曰神種或曰僊植皆未可憑然根不託
於土力不假於人鏟鑿不可移兵燹不能燼則謂之神也
僊也亦宜故賦之

繁何物乎比類曰牡假色曰丹種出異域藝始長安於是
中國之人聳其麗麗豔其媚媚剖荻索實植於名園羣以
美卉護以雕欄香欺淵明之菊色奪周子之蓮和露之碧
桃非美倚雲之紅杏失鮮騷人墨客載酒持觴乘朱明之
初景披晴好之豔陽婆婆於下宛戀於傍摩彼魏紫嗅彼
姚黃儵爾爲風吟兮儵爾爲月光惡訛爲淡抹兮惡訛爲
濃妝蓋嘗歌而祝曰東皇兮呵護風姨兮莫妬長繁兮錦
雲永浴兮仙露歌者酡顏矗者絳縠是品之富貴者與而
孰忍置之山谿委於草木廼茲山靈脈然有心乞諸造物
剖厥靈芬爾其仰托雲霄俯憑峭壁縹緲兮蚤披海曙之

光連蜷兮懸珠瑤室之霓枝櫛櫨兮難攀影徘徊兮莫卽
左介松篁右偶檜柏欲比美而較芳媿黯淡而無色矧其
翠葉豐條灌溉弗假美韻孤香不天自治旣遠脫兮氛囂
孰蹂躪兮車馬臨風媚嫵對月菁蔥不開桃李無言之蹊
肯作茅靡漫埜之蓬依山爲魏邈不可摧藉石爲堅確不
可鑽伊何人斯奪我神種祝融之焰烈而失炎巨靈之斧
鑿而彌迴豈作幽峽之觀不佐凡圃之景是其深根固蒂
吾惡知爲蟠螭兮吾惡知爲蟄龍而旋毀旋秀似下萃乎
地瑞兮而上奪乎天工方其嵐煙靉靄花萼翩翩若霓裳
翠黛兮互映而交妍及山霧溟濛瀾漫籠罩又若碧紗含

光兮射輝而隱耀望者縈懷聞者夢想不可得而驟親兮
鳥可得而頻賞點綴熊峰兮開圖畫於天漢照臨峪水兮
獨矯影而馳蕩洵山川之佳麗兮亦品彙之奇觀倣陰陽
爲代謝兮長終古以弗殘此固天地之變化兮乃永開草
木之蕃王予曰人亦有瑞物亦有祥玉盤承露未必見月
甘泉秀穎空耳齊房異哉花也豈第與桂葩而爭麗效芝
草以呈芳謹三囑乎山靈兮好相保而勿相妨

詩

溪亭二首

宋河東
提刑 張商英

林禽園北小橋南水綠山青不易兼戴勝降時桑破甲

犁曉處稻抽尖柳因倒植風流甚花爲新移僊蕾纖獨碾
雲龍坐溪石幾人今夕共銀蟾

又

蕭寺回環石磴閑山光草色遠相連坐中清景追唐蹟門
外紅塵接渭川落澗飛泉千丈玉過牆修竹一梢煙畫工
誰繪當時巧移得江南在眼前

子夏山

宋汾州
通判趙瞻

山因先師成令名人心仰止懸青冥文侯北面款山扃石
室至今猶南傾直松萬靈天籟聲長林大棟資連薨溪泉
四出照骨清潤物功溥民罔爭朝兮新雲濯根莖暮兮和

風發勾萌山川氣稟天地英民何知爲夫子靈魏最稱治
由師經晉俗自是多諸生時尙辭華取未精皓首學行徒
修明非無神降弼王庭國朝當議平文衡斯文未喪吾道
亨商之傳授今可行

晚過壽甯寺

金河東
轉運使郝侯

稻壠分基局松門入畫圖牛羊歸自急鷗鷺宿相呼落日
低青嶂高風起暝途歸僧上煙靄回首愧區區

文谷道中

元太
原僧小倉月

星河空翠撲人衣細路東風卻水西青嶂馬蹏三峽曉淡

煙花木子規啼

次溪亭壁間韻

明會
事胡希顏

步出雲林日正南
文陽景物幾相兼
參天古柏驚奇怪
輒地危峰訝秃尖
遍野稻生香馥馥
滿堤草長綠纖纖
崖中佳趣真堪羨
養性須宜對晚蟾

前韻

提學
副使石介

水近村東寺近南
水明山秀寺仍兼
煙籠遠樹濃還淡
雲遶孤峰秃間尖
詩刻唐人碑秩秩
經宣梵義字纖纖
仕途總爲浮華繫
一坐林泉識信蟾

前韻

給事
中韓佑

風光謾著憶江南
嘉會元教四美兼
半壁夕陽紅水面
一

五才集卷之三
鈎雲影翠山尖禪桃樹映金容淡上苑花開玉藥纖試看
秋來丹桂發誰人第一去攀蟾

謁子夏廟

參政李元

賢人歸老處山以下爲名臺殿文峰合衣冠古像成國師
河岳重孔道日星明我有心香祝聊伸仰止情

文水道中

河東僉事王世隆

道上黃花自可憐更情忽忽過秋天金莖玉露嗟何處珍
盤涼飈憶去年豈爲登臨傷九辨正思烽火靖諸邊王遵
叱馭心方爾從事無勞嘆獨賢

文水臨中夜懷

巡按御史張鵬

平陵古名邑風土稱富饒平川忽蒼莽連峰鬱岩巖村落
煙火稠桑棗園林遙永夜流水清入春啼鳥驕居民勤耕
稼驅牛出晨朝寡昧時問俗隨處聊停輶薄暮按縣郭蜂
房分喧囂冀州甚沃壤淳樸由唐堯邇來囂訟繁遺風日
漸澆懸燈照夜坐幽思生寂寥民病不可瘳我髮短復焦
巡簷視星漢北極天迢迢誰爲啟大閤重瞳下簫韶斗酒
良自娛隱憂何能銷

謁子夏祠

金劉欽順
事

棲遲陟西嶺湯沐懷辛封趨魯輕遠涉百姓仰儒宗山川
本道體草木亦文章向焉非篤信顏閔許顏頤世遠失所

傳末流差可傷路阻念龍門
蔀屋望朝昏錘鑿千萬手遙
瞻砥柱存

前題

先哲祠堂構此巔碧山如削
草浮煙杏壇遺響風陶谷洙
泗流波瀉隱泉七國雌雄推
有道四科文學啟名賢入門
瞻象輿思仰私淑何人繼簡編

遊甘泉寺

進士馮憲

水遶山圍釋氏堂連峰削壁
架高岡嶺頭雲起千尋玉澗
下泉流百折香鶴舞猿啼深
有趣花容草色盡生光松風
一榻南軒下獨把清虛占一方

採花吟

平陽劉贊
推官

楊柳垂絲花嬝嬝狂風西來何太劇黃鸝喚春蝴蝶愁滿
地落花春可惜漫採一枝留晚春遶砌慙慙不忍釋塞行
二月尙無花文川花落好容易樽酒與君對殘花春去悲
歌復何益

徐村道中將雨不雨悵然有望

忽見千山暗遙聞萬木聲雲情拂岫霽電影悵池明未卽
霑衣溼空來動鸛鳴好生元帝德何不起柴荆

汾河晚渡

縣令樊從簡

孤舟落日濟汾河滿目悲歡感慨多煙火幾家宛在渚來

牟千頃委之波沙邊鷺鳥盤窩浴岸上漁人罷釣歌怪我心非東去水滔滔不管世如何

夏試諸生

薰風五月動微涼檢點詩書喜欲狂形勝有餘歸趙魏人文近古遜虞唐庭前佳木凌雲翠天畔明霞爛日光報道柏臺倡化者好收英俊獻君王

登商山

偶爾登臨覓勝蹟商山風景果然饒石門浪雪堆寒玉洞口閒雲散錦標瀑布千尋飛澗落隱泉一脈應春潮杖藜乘興窮絕險回首紅塵在九霄